

Broj: 11-17-121/25
Sarajevo, 28.03.2025

Na osnovu člana 69. stav 2) tačka d. i člana 70. st. 1). 2). 4). Zakona o javnim nabavkama („Službeni glasnik BiH“, broj 39/14, 59/22 i 50/94), a na Preporuku Komisije za javnu nabavku broj: 11-17-203/25 od 26.03.2025. godine, u postupku javne nabavke putem konkurentskog zahtjeva – nabavka usluge čišćenja i održavanja službenih prostorija Javne ustanove Federalna novinska agencija, Direktor Javne ustanove Federalna novinska agencija na usaglašen stav sa zamjenikom direktora, donosi

ODLUKU
o poništenju postupka - konkurentskog zahtjeva
za nabavku usluge čišćenja i održavanja službenih prostorija
Javne ustanove Federalna novinska agencija u Mostaru – LOT 2

Član 1.

Prihvata se preporuka Komisije za javne nabavke, broj: 11-17-203/25 od 26.03.2025. godine te se poništava postupak nabavke usluge čišćenja i održavanja službenih prostorija Javne ustanove Federalna novinska agencija u Mostaru, odnosno LOT 2 zato što nije dostavljena niti jedna prihvatljiva ponuda.

Član 2.

Prijedlog ugovora o nabavci dostavit će se na potpis izabranom ponuđaču po proteku roka od 10 (deset) dana, računajući od dana kada su svi ponuđači obaviješteni o izboru najpovoljnije ponude.

Član 3.

Za izvršenje ove odluke zadužuje se i ovlašćuje Odjel za razvoj, opće, pravne i finansijske poslove.

Član 4.

Ova Odluka uputit će se ponuđačima koji su učestvovali u postupku javne nabavke, u skladu s članom 70. stav 6) Zakona o javnim nabavkama i članom 71. stav 2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 11-17-121/25 od 10.03.2025. godine.

Javna nabavka je sprovedena putem konkurentskog zahtjeva za dostavljanje ponuda.

Obavještenje o nabavci broj: 14753-7-2-42-3-13/25 objavljeno dana 10.03.2025. godine na portalu javnih nabavki dok je sažetak obavještenja o nabavci objavljen u Službenom glasniku BiH broj: 15 od 14.03.2025. godine.

Ukupna procijenjena vrijednost javne nabavke bez PDV-a za LOT 2 je 3.600,00 KM.

Komisija za javnu nabavku imenovana je Rješenjem broj: 11-17-129/25 od 10.03.2025. godine.

Komisija za javnu nabavku dostavila je Zapisnik o otvaranju ponuda broj: 11-17-151/25 od 24.03.2025. godine, Zapisnik o pregledu i ocjeni ponuda broj: 11-17-155/25 od 26.03.2025. godine,

Izveštaj o radu broj: 11-17-204/25 od 26.03.2025. godine i Preporuku za donošenje Odluka o izboru najpovoljnijeg ponuđača u postupku javne nabavke, broj: 11-17-203/25 od 26.03.2025. godine.

U postupku po izvještaju o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda - 1;
- da su blagovremeno zaprimljene ponude - 1;
- da su neblagovremeno zaprimljene ponude - 0;
- da je 1 ponuda neprihvatljiva;

U zapisniku o pregledu i ocjeni ponuda Komisija je konstatovala da je ponuđač EUROSAN D.O.O. za LOT 2 dostavio ponudu u iznosu od 4.800,00 KM bez PDV-a što prelazi iznos procijenjene vrijednosti utvrđene tenderskom dokumentacijom odnosno iznos od 3.600,00 KM. Zakon o javnim nabavkama je izričito definisao da se neprihvatljivom ponudom smatra ponuda čija cijena premašuje planirana odnosno osigurana novčana sredstva ugovornog tijela za nabavke. S obzirom da upravo u ovom slučaju vrijednost ponude premašuje procijenjenu vrijednost odnosno planirana sredstva nabavke, ponuda ponuđača EUROSAN D.O.O. se smatra neprihvatljivom. U otvorenom postupku javne nabave i konkurentskom zahtjevu za dostavu ponuda, neprihvatljivost ponude se cijeni u tijeku postupka, a u slučaju da je predviđena e-aukcija, neprihvatljivost se cijeni prije zakazivanja e-aukcije.

Komisija je također analizirala dostavljenu dokumentaciju te utvrdila da je ponuđač EUROSAN d.o.o. kao i za LOT 1, dostavio ponudu za 48 sedmica u toku godine, a ne za 52 sedmice kako je to navedeno u tenderskoj dokumentaciji zbog čega je ponuda kao takva nepravilna/neprihvatljiva.

Uvidom u priloženu dokumentaciju, nesporno je da su se ispunili uslovi za poništenje postupka javne nabavke jer kako je navedeno ponuda ponuđača EUROSAN d.o.o. je neprihvatljiva/nepravilna iz naprijed navedenih razloga.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda.

U postupku ocjene provedenog postupka, nisu nađeni razlozi, nepravilnosti niti propusti u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i internim aktima. Uvidom u priloženu dokumentaciju, nesporno je da su se ispunili uslovi za poništenje postupka javne nabavke.

Iz navedenih razloga, primjenom člana 69. stav 2) tačka d. Zakona o javnim nabavkama, te u skladu s internim aktima odlučeno je kao u članu 1. ove odluke.

POUKA O PRAVNOM LIJEKU:

Protiv ove odluke može se izjaviti žalba ugovornom organu (Javna ustanova Federalna novinska agencija) u skladu s članom 101. stav 5) Zakona o javnim nabavkama BiH, najkasnije u roku od 5 (pet) dana od dana prijema ove Odluke.

M.P.

Potpis odgovornog lica

Zamjenik direktora

Dostaviti:

- Ponuđačima - 4x,
- a/a - 1x.